

Samichlaus, jetzt chan ich dir säge

(Version Schule)

Samichlaus, jetzt chan ich dir säge,
was ich alles i de Schuel erläbe:
mängisch dörf ich Gschichte lose
und ha vom Werke Fläcke uf de Hose.

Mit mine Fründe, wo ich ha,
chan ich au go turne gah.
Ich tue gern rächne oder singe
und uf em Pauseplatz umespringe.

Schmutzli, jetzt chan ich dir säge,
wäs ich alles i de Schuel erläbe:
mit mine Fründe tue ich lache
oder im Chreis cooli Spieli mache.

Mängisch lieged's ume – mini Sache,
dänn muess ich wieder Ornig mache.
Öppis baue – mich mal verchleide,
all das tuet mir nie verleide.

Wüssed ihr zwei: Friede mache chan ich au.
Nach eme Striit isch das doch schlau.
Tröste und hälfe isch mir sehr wichtig.
Ich finde, ich mach scho ganz viel richtig.